



# ***JABATAN PERKHIDMATAN VETERINAR MALAYSIA***

## **LAPORAN LIPUTAN MEDIA**

**Rabu, 28 Disember 2022**

<b>1.</b>	<b>Bekalan telur di Terengganu masih kurang</b>
<b>2.</b>	<b>Naik harga tak selesai isu telur</b>
<b>3.</b>	<b>Tiada monopoli telur ayam import</b>

DISEDIAKAN OLEH:

**UNIT KOMUNIKASI KORPORAT  
JABATAN PERKHIDMATAN VETERINAR MALAYSIA**

## Bekalan telur di Terengganu masih kurang

**Kuala Terengganu:** Bekalan telur ayam di negeri ini masih tidak mampu untuk menampung permintaan pengguna.


Tinjauan di dua syarikat pemborong di Cabang Tiga dan di Jalan Sultan Sulaiman, di sini, mendapati hanya 2,000 papan mengandungi kira-kira 60,000 biji telur ayam pelbagai saiz diperolehi daripada pengeluar.

Beberapa lagi syarikat pemborong, termasuk berhampiran Pasar Cabang Tiga, di sini hanya memperoleh bekalan sebanyak 5,000 papan mengandungi 150,000 biji, Khamis lalu.

Tinjauan di dua cawangan syarikat pemborong, yang menjual secara runcit mendapati, orang ramai terutama peniaga kedai makan beratur panjang seawal 8.30 pagi untuk mendapatkan bekalan.

Syarikat pemborong itu mengebahadkan jualan hanya 10 papan mengandungi 300 telur untuk setiap pengguna.

Ketika tinjauan, terocot pertengkaran mulut antara pekerja syarikat pemborong dan pengguna yang beratur di ba-



Pekerja syarikat pemborong melayani permintaan orang ramai untuk membeli telur ayam di Cabang Tiga, Kuala Terengganu, semalam.  
(Foto Baharom Bakar/BH)

risan belakang apabila bekalan telur sebanyak 2,000 papan kehabisan sebelum tiba giliran pengguna terbabit, sedangkan mereka sudah beratur selama 30

minit hingga 45 minit.

Pengguna turut berpendapat, jualan daripada 10 papan perlu dikurangkan kepada lima papan bagi membolehkan lebih ramai

pengguna mendapat bekalan.

Abdullah Tahir, 59, dari Bukit Besar, berkata beliau sudah bertanya sama ada bekalan telur masih mencukupi atau seba-

knya sebelum mengambil keputusan untuk turut sama beratur.

Bagaimanapun, katanya, pekerja syarikat pemborong itu hanya berdiam diri walaupun ketika itu lebih 200 pengguna sedang beratur untuk mendapatkan bekalan.

"Kita mengambil masa lebih setengah jam beratur, tetapi apabila tiba giliran, pekerja syarikat pemborong itu memaklumkan bekalan telur habis," katanya.

Sementara itu, Pengurus Syarikat Bigpoly Supplies, Fuan Chai Feng, berkata kali terakhir syarikatnya menerima bekalan sebanyak 3,500 papan mengandungi 105,000 telur, pada Khamis lalu.

Katanya, bekalan diperoleh itu diagihkan kepada tiga cawangan syarikatnya iaitu di Cabang Tiga, Gong Badak dan di Jalan Sulaiman.

"Kita dimaklumkan, bekalan telur ayam di tiga cawangan itu habis dalam tempoh empat jam," katanya sambil memaklumkan belum menerima maklumat daripada pengeluar bila bekalan baharu akan diterima.

Sekat eksport ke Singapura, basmi kartel dalam industri ternakan

## Naik harga tak selesai isu telur

Oleh FAHMI FAIZ  
fahmi\_faiz@mediamalaysia.com.my


**PETALING JAYA:** Kerajaan digesa tidak menaikkan harga telur kononnya bagi menyelesaikan masalah kekurangan bekalan di pasaran yang terus meruncing.

Bercakap kepada *Utusan Malaysia*, sumber industri telur berkata, langkah menaikkan harga telur bukan hanya menjejaskan imej kerajaan, malah bakal memberi kesan jangka panjang terhadap kebajikan rakyat yang sedang terkesan dengan peningkatan harga hampir semua barang keperluan asas.

Sumber yang turut terlibat dalam eksport dan import telur ayam itu berkata, masalah bekalan telur yang terus mencetuskan rungutan orang ramai adalah kerana kegagalan kerajaan mengkaji punca sebenar kekurangan produk itu di pasaran.

"Kerajaan tidak tahu punca sebenar telur kurang, jadi menyebabkan mereka mengambil bermacam-macam langkah penyelesaian jangka pendek seperti membawa masuk telur import dari India yang sedang diserang wabak selesema burung, mencadangkan harga telur diapungkan, selain mencadangkan menaikkan harga bekalan protein itu," kata sumber itu.

Sedangkan menurut sumber, sejak Oktober lalu *Utusan Malaysia* secara konsisten melaporkan kekurangan bekalan telur sehingga 20 peratus di pasaran negara adalah disebabkan faktor penter-



**LANGKAH** menaikkan harga telur bukan hanya menjejaskan imej kerajaan, malah bakal memberi kesan jangka panjang terhadap kebajikan rakyat.

nak mengalami kerugian.

"Kerugian penternak itu akibat kenaikan kos operasi, seterusnya mengurangkan populasi ayam induk ayam penelur.

"Macam ayam telur ini, tempoh pemeliharaannya sampai 70 minggu. Tapi bila mereka (penternak ayam telur) sudah tanggung banyak kerugian, jadi mereka pencenkan awal ayam-ayam telur itu. Maknanya 55 minggu ke 60 minggu itu mereka hentikan pengeluaran, sebab tak mahu tanggung kerugian dengan terus memberi makan dedak dan sebagainya.

"Sebab dalam tempoh 50 minggu ke atas, peratus pengeluaran telur itu memang menurun.

Ayam telur ini mula bertelur pada umur empat bulan, lebih kurang 16 minggu. Bertelur sampai umur 70 minggu.

"Jadi, graf pengeluaran telur itu semakin kurang. Sedangkan, makanan yang diberikan sama banyak, tapi telur kurang. Jadi mereka hentikan awal-awal sebab sudah rugi. Itulah senarinya kenapa bekalan telur di negara ini kurang sampai 20 peratus," kata sumber.

Semalam, akhbar ini melaporkan pakar industri ternakan ayam, Prof. Madya Dr. Azhar Kasim mencadangkan agar kerajaan menaikkan harga siling telur ayam sebanyak lima sen sebijil bagi semua gred bagi menyelesaikan

masalah kekurangan bekalan.

Mengulas cadangan itu, sumber berkata, kerajaan tidak harus mengguna pakai cadangan menaikkan harga telur tersebut sebaliknya perlu mengkaji kekurangan bekalan telur itu adalah disebabkan kenaikan kos operasi industri telur ayam sehingga mengakibatkan tiada jalan penyelesaian yang efektif mampu ditawarkan kepada penternak ayam penelur.

### KAJI SEMULA TATACARA PENYALURAN SUBSIDI

"Sehingga sekarang punca kenaikan kos tidak dilihat sepe-

nuhnya oleh kerajaan. Yang dikawal harga telur di pasaran walhal kenaikan kos di ladang perlu diteliti sama. Keputusan kerajaan memberi subsidi kepada penternak bagi menampung kerugian kerana kawalan harga satu langkah yang baik.

"Cumanya kadar subsidi perlu diteliti semula agar kadar yang diberikan benar-benar membantu penternak dan bukan sekadar beri sedikit subsidi dan mengharapkn impak pengeluaran yang besar," kata sumber.

Bagi menstabilkan semula bekalan dalam negara, sumber berkata, kerajaan juga disaran mengambil langkah menyekat eksport telur ayam negara ini ke Singapura.

"Untuk jangka masa singkat, mengurangkan eksport telur adalah langkah yang wajar. Apabila kita kurangkan eksport, bekalan dalam negara akan bertambah. Pasti harga juga akan mula stabil," kata sumber.

### BASMI KARTEL TELUR, AYAM

Sementara itu, satu sumber lain berkata, kerajaan tidak wajar tunduk kepada desakan kartel yang menguasai segenap ekosistem pengeluaran telur negara.

"Kartel-kartel industri ayam dan telur, mereka mahu menyedut subsidi sampai kering. Sekali pun kerajaan menambatkan jumlah subsidi, kapasiti pengeluaran telur tidak akan dapat ditingkatkan dalam masa terdekat," ujarnya.

Oleh Amir Abdul Hamid dan Sri Ayu Kartika Amri am@metro.com.my

Kuala Lumpur

Mylind Mohamed Haidings Ebid (Mylind) menegaskan tidak wujud monopoli telur ayam import dari India oleh rangkaian pemborong dan peruncit hasil terbesar di Malaysia.

Pengerusi Urusannya, Datuk Wira Dr Anwar Ali Mydin berkata, mana-mana syarikat boleh mengimport telur ayam kerana Kementerian Pertanian dan Industri Makanan (Mafi) membuka permesanan terhadap mereka yang ingin berbuat demikian.

Katanya, Mydin sendiri diberi Lesen Import (AP) telur ayam oleh Mafi bagi membolehkan syarikat itu mengimport telur ayam dari India dan memenuhi permintaan pasaran domestik.

"Kita tak tahu syarikat mana lagi yang memohon AP telur ayam, Mydin memang sudah pun membawa masuk telur ayam import dari India dan sambutan daripada orang ramai menggalakan.

"Telur ayam import ini saya lihat lebih kepada alternatif untuk pembeli sekiranya telur ayam tempatan habis di pasaran dan harganya pula mahal, namun sudah berbanding telur ayam Omega.

"Namun kita memang menggalakan orang ramai membeli telur ayam tempatan kerana harganya lebih murah. Sebagai contoh jika telur tempatan berharga 45 sen sebiji, telur import pula 50 sen sebiji," katanya ketika dihubungi, semalam.

Beliau berkata, jika diberi pilihan, Mydin memilih memfokuskan menjual telur ayam tempatan saja kerana tidak mahu berdepan dengan prosedur rumit mengimport telur ayam.

"Pada pandangan saya, kerajaan tidak perlu men-



PEREKA menyusun telur import dari India yang mula dijual di pasaran, Garden Court, Ipoh.

# Tiada monopoli telur ayam import

## Mafi buka permohonan AP telur ayam kepada semua syarikat

ribkan lagi isu telur ayam ini kerana ia bukan sekadar memenuhkan permintaan dan bekalan.

"Malaysia tidak cukup bekalan telur ayam, jadi tidak perlu ada lesen AP untuk mengimport telur ayam dari luar supaya ramai boleh bawa masuk telur ayam ke pasaran tempatan," katanya.

Anwar berpendapat, Mafi perlu membuat satu polisi membolehkan import telur ayam tanpa AP dan tidak mengesahkan cukai 10 pe-

ntas terhadap telur ayam import serta mengesahkan senarai negara import telur ayam selain India.

"Import telur ayam ini prosesnya rumit kerana kos mengimport lebih tinggi, kita perlu menggunakan kontena khas (35 kali mahal berbanding kontena biasa). Telur juga mudah pecah dan tarikh luput telur juga

singkat. "Sayangkan apabila kita import telur ayam belum ambil kira cukai 10 peratus, (perlu keuarkan) kos kontena, (ristiko) telur pecah, bila tak terjual lama telur akan expired (luput) dan kita juga kena sediakan kotak

lain untuk pembungkusan sebab telur ditiripet dalam satu kotak (ada 160

bilai," katanya. Menurutnya, beliau juga pernah mencadangkan supaya hentikan sementara pengeksportan telur ayam bagi memastikan bekalan dalam pasaran tempatan mencukupi terlebih dahulu.

"Mylind sendiri tidak mahu eksklusif (boleh import telur ayam) dan mahu kerajaan lebih telus kerana telur ayam ini penting serta menjadi bahan asas utama untuk pelbagai makanan," katanya.

**“Import telur ayam ini prosesnya rumit kerana kos import lebih tinggi”**  
- Dr Anwar Ali Mydin

